



অবিলম্বে প্রকাশের উদ্দেশ্যে: 3/22/2023

গভর্নর ক্যাথি হোকল

অবৈধ গাঁজা বিক্রির দোকানগুলোর বিরুদ্ধে ব্যবস্থা গ্রহণ করার মাধ্যমে নিউ ইয়র্কের দেশের নেতৃস্থানীয় প্রাপ্তবয়স্কদের ব্যবহারের গাঁজা শিল্প উন্নত করার জন্য নতুন আইন প্রণয়ন সম্পর্কে গভর্নর হোকলের প্রস্তাব

আইনটি স্টেটকে অবৈধ গাঁজা বিক্রির স্টোরফ্রন্ট ডিসপেনসারিগুলো যত দ্রুত সম্ভব বন্ধ করে দেওয়ার অনুমতি প্রদান করবে; দোকানগুলোকে বেআইনি কার্যকলাপের জন্য প্রতিদিন 10,000 ডলারেরও বেশি জরিমানা করা হতে পারে

অফিস অব ক্যানাবিস ম্যানেজমেন্ট এবং ডিপার্টমেন্ট অব ট্যাক্সেশন এন্ড ফাইন্যান্সকে নতুন আইন প্রয়োগের ক্ষমতা প্রদান করার মাধ্যমে চলমান আইন প্রয়োগ সংক্রান্ত প্রচেষ্টাকে শক্তিশালী করবে

আইনটি নিউ ইয়র্কের দেশের-নেতৃস্থানীয় ক্যানাবিস ইকুইটি প্রোভিশন বজায় রাখবে এবং একইসাথে ভোক্তাদের ও বৈধ বিক্রিকে সুরক্ষিত রাখবে এমন ব্যাপকভাবে নিয়ন্ত্রিত একটি গাঁজা শিল্প নিশ্চিত করবে

গভর্নর ক্যাথি হোকল আজ নিউ ইয়র্কে লাইসেন্সবিহীন ও অবৈধ গাঁজা বিক্রির জন্য দেওয়ানি সাজা ও কর দণ্ড বৃদ্ধি করার জন্য নতুন আইন প্রস্তাব করেছেন। এছাড়াও এই আইন অফিস অব ক্যানাবিস ম্যানেজমেন্ট (Office of Cannabis Management) এবং ডিপার্টমেন্ট অব ট্যাক্সেশন অ্যান্ড ফিন্যান্সকে (Department of Taxation and Finance) নতুন নিয়ন্ত্রক আবশ্যিকতাসমূহ প্রয়োগ করার এবং অবৈধ গাঁজা বিক্রির সঙ্গে জড়িত দোকানগুলো বন্ধ করে দেওয়ার জন্য আইন প্রয়োগের বাড়তি ক্ষমতা প্রদান করবে।

"গত কয়েক সপ্তাহব্যাপী আমি গাঁজা পণ্যের জন্য নিউ ইয়র্কের নিয়ন্ত্রণ কাঠামো উন্নত করতে নতুন আইন প্রণয়নের ব্যাপারে আইনসভার সঙ্গে কাজ করে আসছি" **বলেছেন গভর্নর হোকল।** "অবৈধ ডিসপেনসারিগুলোর অস্তিত্ব অব্যাহত থাকে একটি অগ্রহণযোগ্য ব্যাপার, এবং নিউ ইয়র্কবাসীদেরকে বিপজ্জনক পণ্য থেকে সুরক্ষিত রাখতে এবং আমাদের সমতা সংক্রান্ত উদ্যোগগুলোতে সহায়তা করার জন্য আমাদের আইন প্রয়োগের বাড়তি হাতিয়ার প্রয়োজন। সম্পূর্ণ নতুন বৈধ গাঁজা শিল্প তৈরি করা এবং নিউ ইয়র্কবাসীদেরকে অধিকতর নিরাপদ গাঁজা পণ্য অফার করার জন্য বৈধ ডিসপেনসারিগুলো চালু করতে সাহায্য করার ক্ষেত্রে আমাদের অব্যাহত অগ্রগতির ব্যাপারে আমি গর্বিত।"

এই নতুন আইন, যেটি গভর্নরের কর্মসূচির বিল হিসেবে সিনেটে ও অ্যাসেম্বলিতে উপস্থাপন করা হচ্ছে, কর আইন এবং গাঁজা সংক্রান্ত আইনকে সংশোধন করে অফিস অব ক্যানাবিস ম্যানেজমেন্ট (OCM), ডিপার্টমেন্ট অব ট্যাক্সেশন এন্ড ফাইন্যান্স (DTF) এবং স্থানীয় আইন প্রয়োগকারী সংস্থাকে লাইসেন্সবিহীন স্টোরফ্রন্ট ডিসপেনসারিগুলোর উপর বিধিনিষেধ প্রয়োগ করার ক্ষমতা প্রদান করেছে। এই আইন ব্যক্তিগত ব্যবহারের জন্য কোনো ব্যক্তির কাছে গাঁজা থাকার ব্যাপারে নতুন কোনো দণ্ড আরোপ করেছে না এবং স্থানীয় আইন প্রয়োগকারী সংস্থাকে ব্যক্তিদের বিরুদ্ধে আইন প্রয়োগ সংক্রান্ত কোনো পদক্ষেপ গ্রহণের অনুমতি দিচ্ছে না।

এই আইন, এই প্রথম বারের মতো, OCM ও DTF-কে লাইসেন্সবিহীন কার্যকলাপের বিরুদ্ধে ব্যবস্থা গ্রহণ করার, নিউ ইয়র্কবাসীদেরকে সুরক্ষিত রাখার, এবং নিউ ইয়র্কে নতুন গাঁজা ব্যবসাগুলোর সফলতা নিশ্চিত করার সুযোগ প্রদান করবে। এই আইন DTF পিস অফিসারদেরকে আইন প্রয়োগের ক্ষমতা প্রদান করতে অবৈধ গাঁজা সংক্রান্ত দণ্ডসমূহের বর্তমান কাঠামো পুনর্গঠন করবে, একটি নিয়ন্ত্রণযোগ্য, নির্ভরযোগ্য, ন্যায্য আইন প্রয়োগ ব্যবস্থা তৈরি করবে, এবং স্টেটের গাঁজা সংক্রান্ত কর ফাঁকি দেওয়া খুচরা বিক্রেতাদের জন্য নতুন দণ্ড আরোপ করবে। সেইসাথে, এটি অবৈধ পণ্য জব্দ করার জন্য OCM-এর কর্তৃত্ব সম্প্রসারণ করবে, লাইসেন্সবিহীন ব্যবসা প্রতিষ্ঠানগুলো বন্ধ করার জন্য OCM ও অন্যান্য সরকারি সংস্থার জন্য সংক্ষিপ্ত কার্যধারা প্রতিষ্ঠা করবে, এবং আরো কার্যকর ক্রস-এজেন্সি আইন প্রয়োগ প্রচেষ্টার জন্য একটি কাঠামো তৈরি করবে। আইন লঙ্ঘনের ফলে অবৈধ গাঁজা প্ল্যান্ট বা পণ্যের জন্য 200,000 ডলার পর্যন্ত জরিমানা প্রযোজ্য হতে পারে এবং OCM-কে লাইসেন্স ব্যতীত গাঁজা বিক্রির কাজে সম্পৃক্ত হওয়া ব্যবসা প্রতিষ্ঠানকে প্রতিদিন 10,000 ডলার জরিমানা করার অনুমতি প্রদান করবে।

অফিস অব ক্যানাবিস ম্যানেজমেন্ট-এর এক্সিকিউটিভ ডিরেক্টর ক্রিস অ্যালেক্সান্ডার বলেন, "গাঁজা শিল্পের ব্যাপারে নিউ ইয়র্কের ঐতিহাসিক সুবিচার-ভিত্তিক কর্মপ্রচেষ্টার সফলতা আমাদের গাঁজা সংক্রান্ত আইনগুলো বাস্তবায়নের উপর নির্ভর করবে। আমাদের বৈধ গাঁজা শিল্পে অংশগ্রহণ করতে আগ্রহী উদ্যোক্তারা -- বিশেষ করে একটি CAURD লাইসেন্স গ্রহণ করতে চাওয়া বিচার ব্যবস্থার সঙ্গে সম্পৃক্ত ব্যক্তির -- কিছু অসাধু ব্যক্তি নিজেদের দোকান প্রশ্রয়িত, অনিয়ন্ত্রিত ও সম্ভাব্য বিপজ্জনক পণ্য দিয়ে ভর্তি করে রাখার কারণে অর্থনৈতিকভাবে ক্ষতিগ্রস্ত হচ্ছেন। এসব কার্যক্রম স্থায়ীভাবে বন্ধ করে দেওয়া এবং বৈধ, লাইসেন্সপ্রাপ্ত ব্যবসা প্রতিষ্ঠানগুলোকে বেড়ে উঠা ও সমৃদ্ধি অর্জনের সুযোগ দেওয়ার জন্য স্টেটজুড়ে আমাদের অংশীদারদের সঙ্গে কাজ করার জন্য অফিস অব ক্যানাবিস ম্যানেজমেন্ট পুরোপুরিভাবে অঙ্গীকারাবদ্ধ রয়েছে।"

নিউ ইয়র্ক স্টেটের ট্যাক্সেশন এন্ড ফিন্যান্স সংক্রান্ত ভারপ্রাপ্ত কমিশনার আমান্ডা হিলার বলেন, "নিউ ইয়র্ক স্টেট এটির গাঁজার বাজার গড়ে তুলছে এবং একইসাথে MRTA-এর অনন্য সামাজিক সমতার উপাদানগুলো এগিয়ে নিয়ে যাচ্ছে। প্রাপ্তবয়স্কদের ব্যবহারের গাঁজার উপর আরোপিত কর আমাদের স্কুলগুলো এবং মাদক সংক্রান্ত চিকিৎসা ও পাবলিক শিক্ষা কর্মসূচিগুলোর অর্থায়ন করেছে। এছাড়াও এসব কর নিউ ইয়র্ক স্টেট কমিউনিটি গ্র্যান্ট রিইনভেস্টমেন্ট ফান্ডে (New York State Community Grants Reinvestment Fund) অবদান

রাখছে, যেটি গাঁজা বিক্রি থেকে পাওয়া কর রাজস্ব আইনের মাত্রাতিরিক্ত ব্যবহার এবং গাঁজা নিষিদ্ধকরণের কারণে সবচেয়ে বেশি ক্ষতিগ্রস্ত হওয়া কমিউনিটিগুলোতে পুনরায় বিনিয়োগ করছে। এসব নতুন অপরিহার্য কর সংক্রান্ত আইন প্রয়োগের সক্ষমতা আমাদেরকে অবৈধ কার্যক্রমের বিরুদ্ধে ব্যবস্থা গ্রহণ করার অনুমতি দিবে এবং সেসব কমিউনিটির জন্য পিছিয়ে থাকা এসব সুযোগ নিশ্চিত করতে সাহায্য করবে।"

আইনের সম্পূর্ণ টেক্সট [এখানে](#) পাওয়া যাবে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)